



## Universitätsbibliothek Paderborn

### **Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani**

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuissimiè explicantur

**Gavanti, Bartolommeo**

**Antverpiæ, 1646**

De Communi Apostolorum. Cap. I.

**urn:nbn:de:hbz:466:1-40233**

de causis celebrari debet eius Festum cum Maiorum consensu? Antiquiores celebrabant illius Festum in die, quo in Martyrologio Festum alterius Sancti eiusdem nominis occurrebat: quod notauit Baronius in *Martyrologio die 12. Februarij sub littera E.* vbi trium Modestorum fit mentio. Et hic quidem ritus placet, nisi vbi timetur error in populis, qui credant eum, quem colunt, esse eundem qui in Calendario Romano descriptus est: quod non sine graui peccato fit hodie alicubi, ut audio, suadentibus tale quid ijsdem de Clero, ut fiat concursus ad eorum Ecclesiam vbi requiescit corpus Sancti eiusdem nominis. quo casu, tutius esset celebrari Festum illius alio die, puta translationis, vel proximiiori. Inuigilent autem Episcopi, ad quos attinet sacras approbare Reliquias, ne inducatur hic abusus, néve inductus toleretur. Quæ verò ad Commune Sanctorum attinent, ad sex Capita reuocari possunt.

## SECTIONIS OCTAVÆ CAPITA VI.

- 1 *De Communi Apostolorum.*
- 2 *De Communi Martyrum.*
- 3 *De Communi Confessorum.*

- 4 *De Communi Virginum & non Virg.*
- 5 *De Communi Dedicationis Ecclesie.*
- 6 *De Officio beatae Mariae in Sabbato.*

*De Communi Apostolorum.*

## C A P V T I.

**A** Postolis & Euangelistis communia sunt omnia, exceptis Oratione Lectionibusque trium Nocturnorum; ut videre est in Breuiarijs antiquissimis M.SS. Neque dubito, Euangelistas comprehendunt nomine Apostolorum à S. Clemen. lib.8. Constit. cap. 39. vbi de Festis Apostolorum agit.

2. *De Hymnis & eorum auctori-*

bus diximus Sect. 5. cap. 6. Antiphona & Psalmi congiunt Apostolico muneri & dignitati. In quibus illud certè est singulare ( non in alijs Sanctorum Communibus ) quod nouem Psalmi Nocturnorum desumpti sunt, ordine Psalterij, ex Nocturnis integræ Hebdomadæ; primus è *Dominicali Nocturno tertio*, tempus gratiæ significante; secundus è *Feria secunda*; tertius & quartus è *Feria tertia*, in qua creauit Deus maria, & ornauit terram, loca propria iurisdictionis Apostolicæ; quin-

quintus & sextus è Feria quarta, in qua produxit Deus luminaria mundi, Apostolicæ dignitatis indicia; sed hæc Feria dicata est Apostolis, vt diximus in primo Tomo pagina 295. septimus è Feria 5. octauus è Feria 6. nonus è Sabbato: ita vt unaquæque dies tanto muneri & dignitati merito plaudat, & collæetur; & multò magis Feria tertia & quarta, ob prædictas causas. Lectiones rite congruunt & Responsoria, ut pater. Quod si dicas, numerum pluralem in hoc Officio adhibitum sæpius, non conuenire Festo vnius tantum Apostoli; scito, quod principaliter Officium hoc Principum est Apostolorum Petri & Pauli, à quibus ad alios Apostolos translatum fuit: vel Apostolorum Chorum ita esse vnum, vt qui vnius celebrat Festum, non excludat alios. vnde & in Missa Præfatio de Apostolis eos omnes vñà semper complectitur, & concelebrat. Amalat. lib. 4. c. 35. indicat, Officium hoc esse antiquissimum. Pius V. ab eo Officio, quod erat in Breu. 1550. nihil ferè recessit, nisi quod vnicum Inuitatorium firmavit; erat enim geminum, alterum aestiu- um, alterum hiemale. Decrenit Lectiones de Scriptura iuxta antiquam regulam Rom. ex Radulph. Propof. 11. addidit alias Lectiones pro Apostolis, ad celebrandas fortè eorumdem Octauas, vel minorâ eorum Festa, quæ alicubi occurunt: ademit Responsorium nonum, quod amplius non dicitur, & mutauit in melius Capitulum horæ Sextæ.

3. Dices: Superfluum est illud Euangeliū, *Hoc est præceptum meum*, cum sua Homilia in tertio Nocturno: nam cuiusvis Apostoli Festum habet proprium Euangeliū & Homiliam.

Præterea Euangeliū, *Hoc est præceptum meum*, deseruit nunc Vigilijs Apostolorum; ergo collocandum in eodem quidem Communi, sed ante Orationem communem de Vigilia. Sed hæc argumenta sub Pio V. nulla erant; quia in Festo sancti Barnabæ legebatur Euangeliū, *Hoc est præceptum*: cuius Homilia idèo debuit collocari in tertio Nocturno. Quid igitur sub Clemente VIII. dicendum erit? Cùm singula Communia suum habeant in tertio Nocturno Euangeliū cum Homilia, in prima recognitione Breuiarij nulla vita fuit mutandi loci ratio; imò accidere potest alicubi, quod fiat aliquod Festum Apostolorum non principale, in quo, ad differentiam Festi principalis, legi poterit Euangeliū positum in Communi: qua item de causa additum fuit, vt innuimus, à Pio V. aliud Euangeliū, *Ecce nos reliquimus omnia*: quod Abbatum Communii referuari poterat. Tandem in postrema Breuiarij recognitione repositum est illud, & optimè, sub titulo Vigil. Apostolorum; & in 3. Nocturno aliud: *Ecce nos reliquimus omnia*.

4. In tertio Nocturno frequenter auditur *Alleluia*: & rationem affert Amalarius de Ord. Antiph. capite 59. quia extiterunt primi, qui, viso Domino resuscitato, gauii sunt, nempe in tertio statu naturæ humanae post legem, tempore vberioris gratiæ.

5. In secundis Vesperis dicuntur Antiphonæ aliae à primis Vesperis & Laudib⁹, ad maiorem scilicet solennitatem, & ad declarandam eorumdem propinquitatem maiorem cum Christo, in cuius Festis fit hæc additione Antiphonatum, & multiplicatio.

Dixi-

Diximus etiam *Sect. 5. cap. 7. num. 4.*  
pag. 74. Autiphonas significare charitatem, quæ refusit in Apostolis super alios, ut meritò abundare debeat Antiphonis eorum Officium, & nouis. *Charitas Christi urget nos*, aiebat Paulus aliorum nomine. In Natiuitate S. Ioannis Baptistæ idem fieri non nego; imò & inde fieri puto, quia missus à Deo, id est Apostolus, ipse quoque fuit Christo carne propinquior & mente. In Festo quoque plurimorum Martyrum idem fit; quia *maiorem charitatem nemo habet*, quām, &c. & vbi plures coluntur Martyres simul, multiplicata charitas per Antiphonas plures indicari debet. quod anticipate monuimus hoc loco, ne idem repeta-  
mus infra.

6 Lectiones pro Euangelistis in pri-  
mo Nocturno addidit Pius V. con-  
gruentissimas; reliquæ erant in vsu. Sed  
Lectiones 3. Nocturni cum Euange-  
lio de missione binorum Discipulo-  
rum in duobus Festis leguntur, Mar-  
ci nimirum & Lucæ; qui quasi bini  
scriptores mittuntur ad messem.

7 Tempore Paschali æquum erat,  
vt Apostolis, qui virtute magna reddebat testimonium Iesu Christi, daretur Officium lætitia plenum; qui-  
bus & promiserat Christus gaudium plenum. Durandas indicat mutationem hanc Officij libro 7. cap. 45. Pius V. diuinit Hymnum in duas par-  
tes, ita vt altera in Laudibus cantari queat cum varierate: ordinavit me-  
liùs Responsoria, restituto primo, quod reiectum fuerat, citatum à Du-  
rando *suprà*. De vna Antiphona cum tribus Psalmis, vide *Sect. 5. cap. 7.*  
*num. 5. pag. 74.*

## De Communi Martyrum.

## C A P. III.

**M**artyrum Festa antiquissima sunt, Clemente teste lib. 8.  
*Apostol. Constit. cap. 39.* &  
vidisti in *Sectione precedenti*.

2. Alij sunt Martyres Pontifices, alij non Pontifices; & utrisque datut Officium commune, excepta Oratio-  
ne, & Lectionibus primi Nocturni.  
*A Mileto*: quæ leguntur tantum in Festo Martyris Pontificis, cui congruit ea narratio de Paulo recedente ab ouibus. Itaque in Festo Mart. non Pontificis leguntur alia, quæ habentur in Communi plurimorum Martyrum,  
*de Epist. ad Rom.*

3. Lectiones 2. & 3. Nocturni plures sunt in Communi positæ, tum ad varie-  
tatem, præsertim infra Octauas; tum ad proprietatem, quia in Missali diuer-  
sa Festa diuersa habent Euangelia.

4. Dices: Quid agendum, quando in Missa legitur Euangelium, cuius Homili. nulla habetur in Communi? quo-  
modo concordabitur eo casu Officium cum Missa? Respōd. Legenda erit Homilia, quæ forte in Proprio Sanctorum habetur; vt Homilia super Euangeliū, *Nihil opertum*, &c. quæ habetur in Festo S. Polycarpi. Quod si non habeatur in Breuiario, veluti super Euangelium, *Nolite arbitrari*, vel, *Qui vos audit, me audit*, & similia; recurre ad Octauarium Romanum, in quo ha-  
bentur Homilia de quocumque Euangeliō quod habetur in Missali: si Octauario careas, lege in Officio Homiliam Euangeliij, quam habes in Communi; & in Missa deinde idem Euangeliū leges, iuxta Rubricam quæ in Missali habetur post primam Missam

Z

de